

AL PARDON

ROGN E FASTIDI, TUCC I DI'
URA DAL SABAT SUM BEL E RIMBAMBI'
SE ANCHA AL VEGN GIO' AL SIGNUR CUNT TUCC I SANT
INCO' L'E' FESTA GIO' AL CAMPARI CUNT AL BIANC
SIA CA L'E' MAGRA O CA L'E' GRASA
INCO' LE FESTA TUCC IN PIASA

GIUAN E LA TITA IN LI' A FA' AL SO' MISTE'
SA TA GHE SET, DRE' DAL BANCON, TA DAN DA BE'
AL TENAIA, PEL E OSS E SCALFAROT
BITTER CAMPARI NA BEVU' GIA' UN SETT O VOTT
SIA CA L'E' CORTA O CA L'E' SPESSA
INCO' L'E' UN DI' SENZA TRISTESA
E ALURA CANTA CANTA INSEMA A MI
INCO' FEM FESTA TUTT AL DI'

INCO' L'E FESTA, L'E' AL DI' DAL PARDON
SA LAURA NO E SA BE DUMA' VIN BON
PRIMA IN GESA A BASA' LA RELIQUIA
PO' IN GIR A SPEND E CHE CREPI L'AVARIZIA
SIA CAL PIO' O SIA CAL PICA AL SO'
OGNI ANN PASTILI E MAL DA CO'

AL VAN GOGH A BE UN BICER MA DA QUEL SERI
PO' DAL ME PA' E DAL BARBELL AL CIMITERI
DUMA' A CURBETA GHE FESTA DAL PARDON
FRA I BANCAREI UDUR DA PES E DA BUMBON
PAR AL CATIV E PAR QUEL BON
INCO' L'E FESTA, LE AL DI' DAL PERDON
E ALURA CANTA CANTA INSEMA A MI
INCO' FEM FESTA TUTT AL DI'